

來鳳縣志

來

鳳

鳳

士

來鳳縣志卷五

地輿志

山川

貴帽山縣西南五十里山前後兩峯其峯如帽聳入雲  
霄霧興卽雨課之屢驗上有連珠坡形家爲七星聚會  
乾隆時潘邑侯稱爲文峯隱射奎宿邑之科名卽係乎  
此遂禁以碑

翔鳳山縣東三里山形聳拔如鳳舒翼故名又名近鳳  
山出城東門百十武厯石磴五十級曰半邊城高岡平

遠嘉木叢生鳳泉在其左其甘若醴邑中第一泉也右則鳴鳳樓在焉高五十餘尺登之可窮數百里下視城市萬瓦參差由鳳泉折而南皆踏鳳脊而行下渡小溪橋一峯撲面勢若迎人從此徑愈危境愈妙又南上半里始登絕頂上有觀音寺紺宇琳宮掩映於萬竿修竹中寺外老桂一株花時香聞數十里下瞰官渡行人如織碧波芳草更自生妍隔岸湖南諸山若拱若伏盡在足下春秋佳日游者雲集

水寨山在亨康里三面距水昔散毛宣撫紮寨於此以

防湖南苗寇上有龍鳳觀

官寨坡在貞肅里前明散毛土司設以禦容美桑植各司上有朝陽寺

登高山在貞肅里昔散毛宣撫九日登高觴詠處也

巖了口在貞肅里山翠而峻中缺月至缺處始見昔人

呼爲雁門吐月

迴龍山縣西十里山勢盤屈上有唐時佛庵今圯矣基

址猶存

土城坡在亨康里散毛土司築以防邑梅者故址猶存

得勝坡在貞肅里原名鮓桶坡下有土坑土司封收戰骨之處嘉慶丙辰總兵慶溥敗白匪於此因改今名

五馬山縣北十里五峯高聳形如奔馬

三尖山縣西北四十里三峯筆立蒼翠欲滴中平曠可

容數千人嘉慶丙辰咸豐辛酉避難者多在於此

虎耳山縣西一里伏虎洞對岸高十餘丈通黔蜀大路

白巖山距城十二里城北諸山此爲獨高上多靈怪雲

興卽雨

九龍山縣南十五里九峯接連如龍蟠俗名九龍盤下

有九龍洞洞中有靈禱雨卽應

白鳳山

武山

懷來山

獅象二山縣南二十五里河流出口處懸巖絕壁水中盤石似珠左右小山肖獅象拱伏

望雲山在孝原里石壁峭立高十餘里上有佛寺登其巔西陽黔中一覽可盡

玉屏山縣北一里俗名觀城坡爲縣城後岸方正如屏

紅桂坡縣北一里高可十丈又名鳳臺亭上多紅桂故名

老鷹坡縣東北十里山高峻如鷹隼聳立舊志譌作鶯坡

新寨坡縣東十二里山形橫亘右阻巖谷左帶大河前俯平疇後盤曲磴由來鳳至宣恩大道咸豐辛酉冬劉方伯嶽昭李總兵復盛連營於此以拒髮逆

翠眉山縣西里許兩山分列如掃蛾眉

勒馬坡縣西三十五里山徑欹仄乾隆二十年典史張



成堞勒馬過此病其險捐俸修之故名

轎頂山縣西北二十里形如轎頂

白羊坡縣東二里相傳漢時有白羊數羣忽隱忽現故

名

馬鬃嶺縣南三十里紅巖巖窠仄徑崎嶇嘉慶元年副將樊繼祖曾駐兵於此上有韓漣廟不知何神

馬鞍山縣北十里兩峯高聳如馬鞍

松雲山縣東十里三峯屏列蒼翠欲滴上有松桃萬株清流下繞登之眼界極豁有閣名高遠邑紳張氏讀書

處也

鍾靈山縣南四十里 詳關隘

獅子山形肖獅子仁育里之水口山也

翠雲山縣西二十里一峯高聳蒼翠入雲

佛山在孝原里距縣西三十里與雀兒峯對峙中通一

峽高洞河之水出焉上有佛寺隨雨晴為隱現

望月山縣西三十五里孤峯挺峙下臨大道

天然圖畫山在縣南百二十里仁育里覃家營衆山環

列如城水自茅岡洞流經其下岸峯壁立如數幅畫圖

淺深濃淡設色天然下有泉產石如魚天將雨則飛躍  
入雲晴則伏者爲飛魚泉巖有白石形如半月入夜而  
明者爲景星巖山石空靈擊之作金鼓聲其形狀則千  
譎百詭未易備述邑中山外最竒絕處也

望遠峯在縣南百二十里羣峯攢簇中突兀矗起高四  
五里登之酉陽秀山黔江諸山卯崗安撫洞長諸水悉  
在目前

天門山在卯崗石壁極陡處有門洞開遠望如鏡古號  
涼風洞

挂榜山在仁育里山自西蜀天龍山來迤邐入縣境數  
十里至木車壩聳然壁立高數十丈形如挂榜山麓一  
石如馬奔騰

月巖在仁育里山上有石晶瑩如月

腰帶巖在仁育里山腰橫石若帶月夜望之較他處倍

明

筆架山在仁育里三峯並立中峯微高形如筆架

秦古寺山在仁育里林木茂美絕頂有寺曰秦古寺廢

地已久

黑山在利正里山極高峻春夏雲霧彌漫罕見其頂嘉慶丙辰白匪之亂川督孫中堂駐軍於此遺壘尚存

大營山縣南三十五里龍嘴河遶其三面地極險孫中堂自黑山移營於此

塘房坡縣南三十里通卯崗大路前與九龍盤遥遥對峙左右岡巒廻合綿亘數十里縱橫可容萬軍咸豐辛酉髮逆之亂邑諸生周在中田耕心等召募鄉勇約會酉陽州牧王鱗飛主事陳繼薰連營拒賊於此

仙人掌縣南六十里一石高聳如掌

白巖山縣西一百二十里形家謂縣城來龍也其山從  
峨嵋發脉經酉陽逶迤而來半山中忽巖壁削成高聳  
百丈周圍石牆橫列約數百重其色皆白遠望若白雲  
合布上有玉池水方員約二里巖口一逕容人比肩而  
過入口忽兩峰對立如門曰朝天門門下有洞瀑布數  
十丈飛下與紅石茶園兩溪合流卯崙此山北由薄刀  
嶺土地了天山坪繞咸豐界至滴水關三堡嶺過五馬  
山直結縣局沈木園三臺坡兩險隘亦在其中邑中之  
最高且大之山也

青屏山在縣南百餘里青石屹立了無餘土類刀削成  
望之若屏

凌雲山在忠崇里

獨秀峯在忠崇里

鷹嘴巖在忠崇里

將軍石距城西七十五里黑崗塘上有三石一高八九  
丈一高六七丈一高五六丈森然鼎列遠望如人甲冑  
而立後有小石筍高數尺者若林  
蜂巖仁育里峰巖四十八座求蜜者非歷險不得其尤

險者爲大洞自大洞北行三十里巖高百尺得石逕寬不及尺欹斜而上約數十丈得石槽廣五六尺以小木作梁名箱子巖有石橫路過者必抱定此石旋轉而行旋轉時石動搖有聲至此縋數十丈而下始得窰

龍嘴河在仁育里木車壩洞長壩兩水交滙處中夾一山曰龍頭嘴春夏水漲雨水雖濁會合處有藍色一片拖浮水面

香爐巖在卯崗巖高千丈形如香爐旁有蓮花瓶

觀音巖縣西二里曰茅坪峭壁千尋道光初巖中忽現



觀音像仰而望之宛似飛來邑侯方公建石臺其下高  
數丈咸豐己未邑人卽石臺爲層閣名曰飛來閣

梯子巖縣西南一百四十五里巖勢陡峻登陟如梯

佛潭巖縣東十五里峭壁無梯下臨深潭

詳見古蹟

石巖門縣西六十里兩巖對峙其形如門中通一道東  
山月出從門隙照入舊志所謂巖門穿月也

三脚巖縣東南一百里

獅子巖縣西四十五里

麂子峽縣西一里危巖相向其高摩天灘聲如雷徑險

而峻咸豐辛酉冬惠協戎戰死處也

伏虎洞縣西一里巖石欹仄水從中出愈入愈狹有窮其境者伏沙石中匍匐而出則抵攔河矣中有綠魚長五六尺晴久則出出卽雨人多見之

犀牛洞縣東南七十里洞極幽暗水深不測土人相傳有犀牛出入河畔故名

九龍洞在九龍山中有靈湫禱雨有應

孝子崗縣西二里嘉慶元年茂才周南奉親避亂罵賊遇害處署令王公三錫題曰孝子崗

樂崗縣西十五里一名三樂崗中極平曠可安床席容  
數十人

爛柴崗縣東十五里兩山迴抱中有石室男女可以異  
居溪水盈盈一木渡之水曰供千人不乏

花魚崗縣東北二十里洞小而深徑危以仄外臨溪河  
白巖崗縣北十二里一名飛洞在白巖山東南崗口僅  
容一人行二十武始寬鄉人每禱雨於此中產硝亦名  
硝崗峭壁間別有小洞咸豐辛酉九月鄒烈女罵賊殉  
節處也

天姥崗在百戶司二三里許俗名漣漣崗崗臨大河極寒雖暑甚必裘而入崗濶大而曲折初入如堂皇仰觀若雕鏤堂上石臺有石像天姥石蓮繞之以足頓地鏗然作鐘鼓聲左右皆有門窺之正黑非列炬不敢入左折而上有石黑龍長三四丈蜿蜒欲動疑挾風雨使人毛髮浙洒又有石鳶作飛鳴狀再進聞水聲潺潺復行數十武忽天光射入照見石田千畝畛畦朗然石甕石甕纍纍無數再前愈深不可測不敢復入轉自右門出仍至於堂

天然洞在孝原里紅魚泉洞口藤蘿繚繞莫知所入自上而下石逕盤旋泉水涓涓內分兩途左深十餘里右開數十丈之堂石柱高擎曲磴斜倚中有天塹深無底止於細路不容迹處渡以畧約忽厯土梯石門露焉一夫守之萬夫無策咸豐辛酉避亂於此者數千人俱獲全

釣巖洞縣北七里壁立千尋洞在山半中有巨石如人當門而立嘉慶丙辰咸豐辛酉避亂者多於此獲全龍柱崗縣西六十里巖石雄拔中有崗三層高廣皆十

餘丈入必列炬愈入愈濶可容數萬人然空無所有過此則有石潭深五六丈廣如之無水惟磊磊白石潭盡得巖巖之中石罅露焉罅僅二尺伏而入約百步出口復進一層別開生面石乳下垂如柱柱端尖銳欲滴石筍林立距柱或二三尺或四五尺皆嵌空玲瓏如游玉筍瑤簪中令人神暢最勝者乳林中有一柱自頂及趾大可一圍一龍蟠焉頭角崢嶸鱗爪飛動其隙處有若人物車馬花草形狀逼肖土人呼曰蟠龍柱又曰將軍柱石壁中有孔容一人繼而出丈餘已至平地則咸豐

之忠堡屯矣土人曰自陽和壩至此蓋十里程也

乾龍崗縣西五十里

巴息崗縣西八十里亦曰八雪洞

九靈崗在縣南明初向天富作亂調西陽土兵隨藍玉討平之以附近九靈地歸西陽今仍在來鳳界中

阿坡崗在梯恭里

高崗在孝原里懸巖千尋深潭百丈石逕難攀險阻可恃髮賊犯境時避於此者保全甚衆

上家崗在孝原里

來鳳縣志 卷之五  
黑崗在忠崇里

黔江崗在信茂里

無盡崗在卯崗欄河古渡左岸磨刀溪中有石門石樓  
深潭綠水牛馬足跡行數日不能盡也

涼風崗縣西南十里

龍崗縣北五里其下湍水激流建有橋卽龍崗橋也

卯崗 詳見古蹟

佛潭河源出宣恩鶴峯交界處之將軍山在宣恩境爲  
白水河西南流入來鳳縣界卽古五溪中之酉溪也初



入縣界爲佛潭河於縣諸水爲最大故曰大河經犀牛潭至倒開門由東而南至陳家灘小河坪小河自東北來南流入焉又南歷簡家潭至小壩徑近鳳寨東門河水自東北流入焉西折爲龍津冉大河滴水嶺以下板橋客寨河諸水入焉又東南流爲紅巖堡河柘皮嶺乾龍崗天蒜坪及東流司屬各溪水入焉又南流爲仙人崗河石巖門永安壩紡車溪及大旺臘壁司屬各溪水入焉又東南流徑犀牛崗河三脚巖冉家壩界址溝等水入焉又南折徑仙崗過硤至卯崗司梯子巖水自北

流注之梅子嶺怯道河水自西流注之竟縣東南二境計程一百二十餘里爲縣水宗幹其自東北來者一北來者三西來者四西南來者三東南來者二計水一十有三道皆注焉滙爲大河入於辰沅其由龍山諸水來注者不錄正疆界也蓋河西屬來鳳河東屬龍山也

嘗考各舊志散毛司沿革皆以爲五溪地竊意古人必有確証非漫爲附會者獨恨未嘗明指爲五溪中何溪耳及加考証惟明史地理志爲獨詳於散毛宣撫司則曰南有白水河一名西溪自忠建宣撫司流

入東南入永順司界於永順司則曰西南有水溪卽  
酉水下流入沅陵縣界於忠建司則曰南有白水河  
源出將軍山邑散毛故地也永順司卽今龍山縣及  
永順縣地忠建司卽今宣恩縣地所稱將軍山在宣  
恩東南一百二十里毗連鶴峯州界緣山東南行四  
五十里地名羅戈川白水實源於此與湖北通志源  
出宣恩鶴峯交界之說相符乃確知此水之卽爲酉  
溪也按酉溪爲禹貢九江之一水經註酉水出故武  
陵充縣之酉源山至沅陵縣南注沅水與漢書註同

明一統志充縣在慈利縣西二百四十里今鶴峯正當慈利之西計其道里亦相去不遠尤爲此水發源確証惟亂山叢出溪流輻湊求古所謂酉源者莫可指名耳方輿紀要慈利西北有水沈洞或謂卽漢書之酉源山亦屬臆斷而無可憑一統志所稱酉陽后溪河源出湖南漫水司則由其下流求之而未悉后溪之卽酉溪也江陵新志稱酉江卽酉溪出會溪城西山中則益由其下流求之而未悉沅陵北河上溯后溪之通爲酉溪也方冉亭禹貢南條水道考異九

江孔殷條下註云辰永諸郡伏流甚多而永之卯崗  
酉水至此伏流山下五里其上下皆大川通舟楫考  
証極確而原其水之所出則曰自四川酉陽而未窮  
其本源誠如諸書則古酉源之說不幾誣乎今以明  
史地理志及湖北通志發源宣恩鶴峯交界者爲斷  
其源遠其流長初入宣恩爲白水河至來鳳爲佛潭  
河至酉陽爲后溪河下至沅陵爲北河隨地異名而  
實則一水沅北諸溪莫此爲大漢書云水行二千二  
百里觀其吐納衆流迴騰奔激經歷數郡而會於沅

較今湖南之所謂西溪不數十里而卽入江者大小懸殊矣或謂邑之卯崗卽酉崗古卯字作𠂔酉字作𠂔後世誤𠂔爲𠂔遂謂之卯崗酉水實經其中疑卽由此得名究之事屬推測或因崗而名水或因水而名崗誰爲最古則誠無可考耳

東門河一出花廠至小河溪一出大溝經干溪至龍崗橋自乾元寺前合流繞縣東而南流入大河

舊志作源出峽口寨

誤

小河在縣東十里源出欄柴崗徑小河坪折流冷杉坪

西南人佛潭河

客寨河在縣南一里源出宣恩縣之冉大河及老鴉關

滴水關水溪東流伏虎崗又東至客寨南過四斗種北

流至翔鳳山東入龍津大河

板橋河在縣西一里源出漫塘由散毛舊司東流與客

寨河合入龍津大河

欄河縣西一里流逕伏虎洞入龍津大河

紅巖河縣南三十里源出殼皮嶺天蒜坪東流入大河

南入卯崗此處兩山對峙中夾一澗春夏水漲溪水巖

流犇騰激湍雖有官渡行人苦之道光元年邑人楊文  
龍捐萬金建石橋其上往來者如游康衢

高崗河縣西南三十里孝原里花屋灘之下河中天生  
二石梁人呼爲石龍過江中缺丈許如門鄉人架板橋  
於上石下有洞水流其上

漫水河滙各溪流下入卯崗大河在縣南八十里

舊志

龍嘴河縣南三十里縣治諸水與龍山警水合流處也  
兩山對峙壁立千仞有灘曰魚灘魚從中分每春夏之  
交白下而上漁人以兩筍並乘在龍山者色黃色黑無



鱗在來邑者色白有鱗以一水而魚分兩縣兩色亦奇  
紡車溪縣西一百二十里源出永安壩山下經上寨出  
仙人崗入卯崗大河十五里入城  
怯道河縣西一百三十里源出西陽州經百戶至涼水  
井入卯崗大河合流入於辰沅

水溪源出後山繞縣西而東南流至虎七溪入卯崗大

河木溪亦出崇里

達東溪亦出崇里

芭蕉溪亦出崇里

社壇溪在悌恭里

細沙溪在信茂里

杉木溪在忠崇里

濯足溪在忠崇里

紅巖溪在元阜里

小河溪在元阜里

老虎灘河在城西六十五里大旺司一發源於信茂里

天山坪旋坨土地了等處與咸豐黔江交界東流六十

里至大河壩交忠崇里界一發源於忠崇里白巖山北

流三十里至大河壩橋渡口合流遶忠崇里界東流三  
里至小河有悌恭里杉木塘水南流會之東流三里至  
乾石洞稍折南流三里至老虎灘有古竹溪黑洞塘二  
水會之稍折環繞夫旺司而南又東流三里至竹壩渡  
口有螺螄塘溪水會之又東流入里至舊司場有悌恭  
里三刀林溪水由水田壩臘壁司南流三十五里會之  
稍折東南流二十五里出利正里峽口至體河入大河  
流出卯崗

虎澧縣西一里伏虎洞口

像魚潭孝原里峽口之上游有深潭清澈異常中有大石袤入九丈廣三丈餘形酷似魚其首向上水分兩歧石若洋洋欲動高下隨水之消長人呼為鯉魚上灘石馬潭在仁育里潭中有石如馬踏波而立隨水消長俗呼馬娃潭

旋潭在仁育里水自龍嘴出至此不拘消長滌洄不息大小龍潭在仁育里洞長壩

石牛潭在貞肅里河中大石形類牛隨水消

官堰潭在貞肅里散毛土司蓄魚供祭祀處也後改為

管渡

佛潭縣東十五里水深不測下有神魚禱雨立應上即

佛潭巖也

老潭在卯崗司

鳳山泉縣東一里翔鳳山半邊城上石罅一脈滙為二

池甘冽清香不涸不溢古老相傳有鳳飲此故名池右

二三尺許另有一池香味遠遜欲辨真偽注水器底浮

於上者為真餘水不能也

小隱泉在板橋側

雙楓泉縣西十五里雙楓橋側山上味出鳳泉上第性

過寒耳

靈泉縣南十五里九龍山上泉小而深取之不竭土人

謂為龍湫

花魚泉縣東三十里在花魚崗口

紅魚泉在貞肅里中有紅魚游泳其中捕之不得

凉水井泉在卯崗司後山下泉水甚甘四時不竭雖

掬而煩刻千在鳳泉之亞也

荷葉井泉縣東十里元阜里之陳家灣陳家灣泉皆有

泥氣惟此泉味與鳳泉埒特清澗不及耳

地輿志

古蹟塚墓附

廢散毛宣撫司在縣東貞肅里老司坪

廢大廷安撫司在縣西忠崇里

廢東流長官司在縣西孝原里

廢臘壁長官司在縣西峒恭里舊司

廢漫水宣撫司在縣南智樂里漫水

廢卯崗安撫司在縣南仁育里

雙楓泉縣西十五里雙楓橋側功上味出鳳泉上第性  
過寒耳

謂為龍湫

在仙泉縣東二十里在花魚浦川

紅魚泉在貞肅里中有紅魚游泳其中捕之不得  
涼水非是在明前司後山泉入花骨因時不竭雖  
掬而頃刻不絕在鳳泉之亞也

或泉並此泉起與鳳泉泚泚清甜不返耳泉澤泉皆在



來鳳縣志卷六

地輿志

古蹟

塚墓附

廢散毛宣撫司在縣東貞肅里老司坪

廢大旺安撫司在縣西忠崇里

廢東流長官司在縣西孝原里

廢臘壁長官司在縣西梯恭里舊司

廢漫水宣撫司在縣南智樂里漫水

廢卯崗安撫司在縣南仁育里

廢百戶長官司在縣南勇敬里

廢神壁崗宣慰司在縣東南十五里散毛關本名師壁  
崗元至正中置明初復廢爲師壁崗

廢師壁鎮撫所

失考

西崇里

廢師羅千戶所

失考

西崇里

宣撫堡在漫水河岸

東真嶺里

落印潭在宣撫堡下五代時有向伯林者漫水土司弟

也夜盜其兄所佩印口銜渡河其兄覺而追之印驚落

於潭伯林逃之他砂不敢歸今龍山向姓其裔也初印

落時百計求之不能得後有漁人獻大魚於宣撫剖之  
印在其腹故名其地曰宣撫堡名其水曰落印潭  
仙人崗在縣南四十里乃佛潭上寨諸水滙流處也兩  
巖壁立千有餘尺上有檻榭傳爲仙刹高不可攀  
卯崗在縣南一百二十里穿巖成崗形如園門深四里  
許樹木森翠四時不改中分正大二崗大崗廣十數武  
內有石磨龕棋枰香爐巖諸竒勝正崗周圍半畝內置  
石几供菩薩旁侍神女作鞠躬奉持狀石上垂蓮花數  
十瓣皆天然生成非人工又有石類龍鳳龜麟栩栩欲

動爲四靈石其下飛湍湧激不敢逼視則西溪經其中也離崗半里遙望巖壁高數十丈中裂一門前置木欄杆縱六橫七壞則墜浮崗口尋復設如舊製意上有仙靈然究莫能攀躋從無問津者施州衛舊志仙崗巖卽此

按大河至卯崗俯流其中不通舟楫商賈至此必負擔登陸行人苦之乾隆元年縣令王公欲疏通之備極人力用大木橫排而攻其顛數月功成可行舟往來忽一夜大雷雨墜巨石而扼其崗之吭意者天之

所以限南北也故土人至今有若要卯崗開險是

船來之謠只恐八陣險字和意無其人跡欲界戰道

天然三塔在卯崗對岸方圓層級咫尺不紊高十餘丈

皆中空凌波鼎峙聳矗霄漢昔人謂之插天文筆

咸康佛在佛潭巖上峭壁千尋上刻古佛二尊鬚眉如

畫居人倚石壁建閣三層檻外古柏一株綠陰如冪數

百年物也檐際泉飛四時疑雨洞壑幽峭夏亦生寒從

此泛舟可通官渡端午競渡兩岸士女如雲隔溪龍山

諸山若隱若見樵夫耕者出入畫圖亦奧如亦曠如也

左鐫有記僅餘咸康元年五月六字文多不可辨

按東晉成帝十年改元咸康五代蜀主王衍亦建元咸康然衍未踰年爲唐所滅則此咸康當是成帝年號至今千五百餘歲矣

天聖石柱宋刺史史方遂蠻至七女柵降之立以分界按舊衛志距府二百七十里計其道里當在縣東十五里元阜里二關口等處今二關口山上有石屹立離地三四尺歷久剝蝕字跡毫無居人稱爲界牌或卽此與

振武巖在縣西南五十里明洪武五年正月衛國公鄧  
愈充征南將軍分道討尚蠻四月平散毛等三十九崗  
振旅而歸大書振武巖三字於石壁上今將五百餘年  
字跡猶隱隱可辨

唐時佛菴在縣西十里廻龍山

冢墓附

明萊墓在尚里宣散山墓附其地無餘地  
卓騎將軍臘壁司安撫使田大旺墓在宣撫山

都督元帥散毛司宣撫使覃本林及其子顯宗墓在尚

虎城

臘壁司長官司田耳毛送墓在衙院後山

蓬萊墓在貞肅里官墳山墓制甚鉅無碑無銘上刻蓬萊墓三字中有石門日影倒入石隙可以窺見左右千章古木大皆十圍常有大鳥數千旋繞上下相傳爲明鎮遠將軍散毛司宣撫使覃玉鑑之墓

四朝

鎮遠將軍散毛司宣撫使覃勳麟墓在蘇家堡豐碑穹窿人馬望柱具備碑刻 誥勅及誌銘久經風雨漶滅



不能成篇

散毛宣慰使司覃鴻基墓在侯栗堡詎城十五里舊曰衙署之西今衙署已毀土人尚呼爲衙院云

廣東督標守備前臘壁司長官司田封疆墓在鐵家坨古和尚墓在城南五里橋右側山上石砌甚古但無碑碣不知何代僧也

處士覃璠墓在侯栗堡縣訓導蕭琴銘其墓曰土曰王土臣曰王臣溥海內外莫不尊親矧茲蠻裔敢憑險阻以勞王師抗命戎虜皇帝曰咨咨爾十五司率土歸

誠用沛恩施予爾世職以輔我國家無窮之墓公也  
當襲再拜固辭曰有子可教有書可讀何世職之云云  
甘學師墓在學署後嘉慶丙辰之變訓導甘公杜殉難  
後葬之於此

張尉葬衣冠墓在縣東十里峽口寨嘉慶丙辰之變典  
史張寧殉難屍毀於賊士民具衣冠招魂葬之

三烈士墓在三堡嶺指甲坡嘉慶丙辰之變邑諸生蕭  
大鍾千總銜龔起元劉宗文三人起義兵討賊總督福  
寧令往說賊降賊殺之同葬於此樊將軍繼祖題其墓

曰忠烈之墓

周孝子墓在麋子峽縣令王公三錫題其墓曰 大清

孝子生員周南之墓湖南舉人舒習儀銘曰翩翩周生

其人如玉小醜跳梁奉親山谷賊至逼降生罵不屈不

媿聖賢難報鞠育同時何君亦自越俗先後隕命媿彼

鼠伏 謂生員何公潭也 溝壑不忘其志彌篤千載而下

仰茲芳躅

王孝女墓在客寨河知縣錢塘周公向青作墓碑紀其

事

詩人歐陽敬亭墓邑諸生歐陽祖璵雄於詩年七十餘卒葬麁子峽卽公住宅也道光癸卯知縣濟南李公景頤題其墓曰詩人歐陽敬亭之墓

知來鳳縣事鳳陽林公上端墓在城東洲上公卒於咸豐壬子之春殯於縣署之西越八年庚申王公頌三率邑紳祭而葬之

知來鳳縣事黔南王公恩綸墓在漫水

來鳳縣志卷七

建置志

城池

來鳳西隣巴蜀南接苗疆萬山叢雜最爲緊要昔七土司各據崗谷築砦自固未有城隍土司以前遐哉勿可考已

國朝乾隆元年改土歸流初設縣治於故散毛司之桐子園卽勘定城基周三里四分嗣因土性鬆浮詳議停修乾隆三十二年知縣楊公澤清詳請估建城垣需銀貳

鳳凰志 卷之七  
萬伍千兩有奇未經請發帑藏輒止嘉慶二年知縣康  
公父民首捐廉俸督同紳耆捐建土城一座門四東曰  
廣仁西曰崇義南曰敦化北曰承恩繞城鑿池引老母  
溝水灌入歷經風雨坍塌幾盡惟四門城樓僅存

嘉慶七年知縣朱公鳴鳳奉文議建石城旋以改建石  
城不易爲力土性鬆浮難期鞏固不敢以偏僻彈丸重  
糜帑項復止

嘉慶八年正月間有龍山苗民煽惑土著之謠訛言曰  
起訓導蕭公琴集紳耆於明倫堂首捐清俸議建石城

公請於縣令朱公鳴鳳亦捐廉倡率邑紳王廷弼張鴻  
範覃協中龍世清向興校等互相勸勉力肩其事議用  
外石內土遂於嘉慶八年三月啟工九年三月歲事自  
東門至南門計三百七十弓長一百八十五丈自南門  
至西門計二百三十六弓長一百一十八丈自西門至  
北門計二百八十六弓長一百四十三丈自北門至東  
門計二百九十六弓長一百四十八丈共計一千一百  
八十八弓長五百九十四丈計三里三分高一丈二尺  
脚厚一丈四尺深五尺面厚七尺連女牆共高一丈七

鳳泉志卷之七  
尺並開城濠周圍長六百二丈寬二丈四尺深二丈用  
銀萬六千兩有奇於是金剛壯麗翼角飛翔池深城固  
人情安堵矣

道光二十九年知縣林士端以縣城修建已歷四十餘  
年坍塌又將殆盡又議重建石城並以濠水灌注浸壞  
城脚議將城濠填平督同邑紳任黃梅縣訓導張光杰  
舉人何誠立直隸州州判何遠椿生員周在中張浩職  
員洪安瀾民人張思謙等仿照前式另伐新石通體重  
修張元杰獨力捐修南城遂於道光三十年秋啟工



咸豐元年冬告竣城濠亦經填平費用較多而堅固  
前所有在事出力官紳及捐貲人等 奏請議叙有差

咸豐十年知縣王公頌三督同紳士張光燕補修城西  
北城身女墻

咸豐十一年九月髮匪逼近知縣王公頌三督開城濠  
工甫動而城陷

同治元年正月初九日賊平四圍城堞多被攻毀二年  
冬知縣任公廷槐督同善後局首士補修並議開浚城  
濠工未竣任公以卓異調薊水林公瑄接署照舊修浚

公署

知縣署

乾隆四年建照牆一座頭門三間左右爲兩班房儀門三間東西爲角門

聖諭坊一座在儀門內科房東西各四間大堂三間庫房東西各一間在大堂後宅門前宅門一棟左右廂房四間二堂一座曰自新堂廂房東西各三間東書房五間曰竹梧書屋屋前有亭曰政餘亭道光甲辰年縣令陳公炳常建亭前有池池東爲小園中有茅亭一座西書房

五間三堂三間東西廂房各三間廚房二間馬房二間  
儀門左爲土地祠儀門右爲禁獄獄神祠一所在獄內  
內獄三間外監二間嘉慶元年白匪之變燬於賊二年  
重建咸豐十一年髮逆陷城復燬僅存頭門儀門大堂  
廚房同治二年重建西書房五間餘未修竣

訓導署 在學宮左

乾隆四年建明倫堂一座三間三十六年設學始建學  
署照牆一座頭門三間大堂一座三間內署三間左右  
廂房各二間廚房一間嘉慶元年燬於賊二年重建至

咸豐四年傾壞過半訓導閔洪率合學重修咸豐十一年復燬於髮逆之亂現未修復

縣丞署 在大旺司

乾隆四年建五十二年缺裁署廢

巡檢署 在卯崗

乾隆四年建照牆一座頭門三間儀門三間大堂三間

二堂三間東西門房各三間書房一間三堂三間廚房

二間

典史署 在縣署常平倉右

乾隆四年建照牆一座頭門三間儀門三間大堂三間  
二堂三間三堂三間廚房二間馬房二間乾隆十九年  
典史張成塏增修西院書房南北相對各三間嘉慶元  
年燬於賊二年重建咸豐十一年髮逆陷城復燬僅存  
頭門大堂及二堂之半同治三四年重修

城守千總署

在西門大街

乾隆四年建照牆一座衙署一座通計九間營房五十  
間演武廳一座嘉慶元年燬於賊二年重建咸豐十一  
年復燬於髮逆之亂同治四年重建

來鳳縣志 卷之八  
把總署 在大旺司

乾隆四年建衙署九間營房三十間演武廳一座咸豐  
十一年燬於髮逆之亂僅存頭門一間同治二年重修  
外委署 在涼水井

乾隆四年建官房七間營房十二間久圯

考棚

邑向無考棚俱就縣署扁試道光三十年知縣林公士  
端如於縣署左側朱文公祠前左右建號屋各五間以  
爲東西文場

養濟院

在西門外

乾隆十八年建院屋一座置孤貧入口名額按口給糧

外來流丐亦許投足

申明亭

乾隆十一年建縣西一座大旺司一座卯崗司一座

視履亭 在東門外俗所謂接官亭

乾隆二十一年建知縣林公翼池記曰邑東關為通郡  
大道上憲巡歷從此入境冠蓋往來率多由是街衢民  
居列屋郭外田畝沿溪慮無一席之地可為迎侯之所而

行李往來亦無可少憇其下乃傍溪覓隙地縱橫計二丈餘飭工庀材構後室前亭一座亭翼道上坐西朝東制取樸固不事麗飾以六月望後興工七月望後告竣詩曰周道如砥其直如矢君子所履小人所視爰額曰視履亭今廢

街巷

彩耀街正途街在東門內鳳鳴街在東門外營房街在西門內油房街在西門外鳳儀街在南門內豫章街常德街鹽街在南門外興隆街在北門內



白鳥巷俗名鹽店巷在縣署南青桐巷前青桐巷俗名  
猪市巷在白鳥巷後鶴鳴巷俗名馬家巷在縣署西碧  
秋巷前碧秋巷俗名邱家巷在鶴鳴巷後

集場

誠一里場在本城元阜里附城無場亨康里曰旗鼓寨  
場利正里曰上寨場毛壩場貞肅里曰猴栗堡場三堡  
嶺場孝原里曰革勒車場蘇家堡場東流司場悌恭里  
曰舊司場杉木塘場忠崇里曰觀音橋場信茂里曰大  
河壩場智樂里曰漫水場仁育里曰安撫司場小坳場

勇敬里曰百戶司場

倉儲

常平倉

在縣署西

乾隆四年建倉兩座六廩共儲穀一千五百石三十二年收捐監穀一百八十三石六斗四十一二年增二千三百一十六石四斗六十年湖南苗逆滋事奉文全數碾米運供軍需無存知縣朱公鳴鳳於嘉慶八年十一年兩次買補足額咸豐十一年髮逆竄陷縣城概被焚燬

社倉縣志卷八

乾隆四五六等年設倉九處一在縣署西其餘八處分設各里初儲穀一千石零二升八合五勺共積穀二千六百石嘉慶丙辰白匪之變蕩然無存咸豐九年知縣至公頌三督同邑紳張光燕張瑛全福覃述祥等勸捐社穀一千六百三十八石六斗四升分儲十二里咸豐十年年髮逆之亂賊匪劫燬及兵勇就食蕩然無存嗣以亂後民氣未復未經捐補得考恩施廩貢與恩建兩縣俱附宜昌府考試首入恩施學者覃述綸覃述書覃

勇敬里曰百戶司場

以廣餘民未野未豨計蘇

十一爭爨並之獨娘退姓歎又共良掠食蕪然無亦歸

蘇慶四年本有三十人分去情與我衣謝十二里風豐

任公醉三替同呂縣第光燕近燕全蘇覃並執善騰掛

六百百嘉豐丙夙白頭之變蕪然無亦淑豐此羊映線

結各里所諭驟一千百零二共八合五共共蘇驟二千

綽劉四五六等爭結會此處年蘇蘇晉西其綽八處公

蘇會

來鳳縣志卷八

建置志

學校

邑於乾隆元年改設縣治四年創修學宮始議請設置  
學校是年郡伯田公三樂詳請宣恩來鳳咸豐利川四  
縣新疆土童另編新字號附入恩施縣一體考試每於  
恩施縣學二十名外共取一二名暫隸恩施縣學題准  
照貴州古州增設苗額酌取得考恩施廩貢與恩施兩  
縣俱附宜昌府考試首入恩施學者覃述綸覃述書覃

述古覃玳田大鵬覃瑄覃述圖覃文基王士超向日葵  
向懷陞田生珍向正材也首補恩施廩出恩施歲貢者  
覃述綸覃述書覃玳也

乾隆三十六年郡伯張公映燾詳請置學增設學額奉  
部議湖北施南府屬宣恩來鳳咸豐利川四縣於乾隆  
元年改土歸流嗣於乾隆四年議准另編新字號考試  
四縣共酌進童生一二名暫歸恩施縣學管轄並未按  
縣置學現今人文充盛應照該省鶴峯州長樂縣並湖  
南永順府暨保靖諸縣之例分設學額嗣後宣恩來鳳

咸豐三縣准其各取三名利川取進四名至施南府設立府學將府屬恩施縣學原額十五名內量減三名建始縣學原額八名內量減一名撥入府學此外於六縣中酌取四名定爲學額八名令該學政歲科兩試時嚴慎校閱如佳卷不敷寧缺毋濫至各縣廩增額數並校試武童亦准其照鶴峯州長樂縣之例俟將來人文再盛另請增設並將宜昌府訓導撥改施南府學東湖縣訓導撥改來鳳縣學巴東縣訓導撥改咸豐縣學歸州訓導撥改利川縣學恩施縣訓導撥改宣恩縣學以專

訓迪是年建立學署始官者黃岡張宗震也三十七年  
始入來鳳縣學者覃協中張心盛覃驄覃受中王光南  
簡在心也

乾隆三十九年部議湖北施南府屬宣恩來鳳咸豐利  
川四縣自乾隆三十六年各設學額所有舊附恩施考  
試各生業經撥歸各學管轄但未設有廩增額數查利  
川人文較盛撥回之生已有六十餘名內實廩八名候  
廩三名應將恩施縣原額廩增各二十名俱減為十二  
名以八名撥入利川縣卽以撥回之現廩八名補實遇



有缺出以候廩三名收補增八名除將候補實補外餘以撥回之生照考案序補其府學及宣恩來鳳咸豐三縣俟設學十年後自四十六年爲始各設廩增二名現在考試各童來鳳咸豐俱有候廩二名卽令認保至設廩之年准其先與補實宣恩責令撥回之附生暫行認保回學均照定例設廩後必食餼十年方准出貢以後四年一貢至撥回之實廩候廩在恩食餼已久仍准其與恩施學校年分出貢俟屆該本學應貢之期再將未貢之生歸於本學出貢再武童應於恩施量減三名建

始量減一名作爲府學四名其宜恩來鳳咸豐利川各  
取進二名

乾隆四十三年學使洪公樸以郡伯汪公獻琛之請會  
同兩院奏准與宜昌分棚先是三十六年各縣生童  
以赴宜昌考試路遠費艱願於府城內捐建考棚詳請  
興工四十一年工竣故有是請

乾隆四十六年郡伯陳公嘉謨始請學使吳公省欽按  
臨施郡考試

乾隆六十年二月上丁

高宗純皇帝親詣文廟釋奠禮成閱視碑雍新刻石經

加恩增廣學大學加取五名中學加取三名其取

進六名以上者加取三名四五名者增額二名二三名

者增額一名其取學童童童童童童童童童童童童童童童

嘉慶元年奉回編各坐緝一各其餘四各各各各各各各各各各

恩詔增廣學額一次同乾隆六十年至宣統八年各各各各各各各各各各

嘉慶四年奉回編各坐緝一各其餘四各各各各各各各各各各

恩詔增廣學額一次同嘉慶元年各各各各各各各各各各各各各各

嘉慶十一年部議湖北巡撫瑚圖禮等奏請恩施縣復

還學額三名文武童生各取進十五名建始縣復還學額一名文武童生各取進八名但既復還二縣學額則府學僅存學額四名仍於原額有缺應請於府學內加還學額四名以符乾隆三十六年定額八名之數並令於宣來咸利四縣各坐撥一名其餘四名作爲六縣分撥以昭平允其府學武童進額亦照舊仍設四名外增設廩增各二名共四名

嘉慶二十五年奉

恩詔增廣學額一次同嘉慶四年

道光元年奉

恩詔增廣學額一次同嘉慶二十五年

咸豐元年奉

恩詔增廣學額一次同道光元年

同治元年奉

恩詔增廣學額一次同咸豐元年

同治元年捐輸軍餉奏請

恩廣學額一次文武各二名

同治四年捐輸軍餉奏請

恩廣學額一次文武各一名

書籍

日講四書

孝經註

十三經註疏

二十一史

明史

朱子全書

通鑑綱目

資治通鑑綱目三編

唐宋文酌

淵鑑古文

欽定四書文

以上奉文頒發

上諭書

資治通鑑

醫宗金鑑

性理精義

大清律義

大清律續纂條例

大清律校正各條

駁呂留良四書精義

以上知縣于公執中捐置

周易折中

書經傳說彙纂

詩經傳說彙纂

春秋傳說彙纂



以上知縣黃公升捐置

子史精華

康熙字典

周禮注疏

周官義疏

禮記注疏

以上知縣劉公若椿捐置

御製

聖諭廣訓

奉文頒發

乾隆五年

欽頒祭祀樂章

乾隆十四年奉

旨頒發平定金川告成太學碑文

乾隆二十年奉

旨頒發平定準噶爾告成太學碑文

乾隆二十四年奉

旨頒發平定回部告成太學碑文

乾隆四十一年奉

頒發平定兩金川告成太學碑文

嘉慶七年奉

旨頒發平定三省紀畧

按以上經籍各種兩經匪變焚燬無存

書院

岐陽書院在城內白鳥巷乾隆七年知縣于公執中捐  
建乾隆十三年知縣范公汝軾重修乾隆二十一年知  
縣林公翼池重修嘉慶二年知縣康公乂民移建東門  
外桐子園易名曰朝陽舊院改爲孫公士毅祠旋廢嘉

慶六年改爲文昌宮

朝陽書院在東門外桐子園嘉慶二年知縣康公又民  
建前爲奎星樓樓凡二層中爲講堂凡三間後爲院師  
寢息地亦三間左右齋房各十間廚房二間

朝南書院在大旺司乾隆七年知縣于公執中捐建

桂林書院在卯崗司乾隆五年奉文建乾隆十年縣丞

蔣灝捐建四十一年巡檢沈懷楓改置嘉慶九年增修

講堂同治五年下三里紳首捐募重修

育鳳山義學咸豐八年邑人田有糧捐建同治二年其

子附貢田耕心增修捐置學田四年勘明通詳立案

學署田土

署後附田一坵

署左側附田一坵

東門外先農壇右田大小四坵

閣學契買成邑陳允道兄弟業

書院田土

桐子園水田二十一坵計三十一畝五分一釐

竹園坪水田三坵計十三畝七分五釐

以上二項係乾隆三年知縣于公執中捐買每年

鳳凰志 卷之二  
所收租穀分給城中朝陽書院大旺朝南書院二處山長修資嘉慶八年知縣朱公鳴鳳勘定編列天地字號天字號竹園坪田歸大旺書院地字號桐子園田歸城中書院

卯崗桂林書院每年請領藩庫銀十六兩作膏火嘉慶二年邑庠生田啟芳主長青等募買地名開榜田大小水田四十九坵共契價銀四百四十兩作爲桂林書院膏火契存張廷松家

賓興田土

磨坡水田二十五坵熟土一幅屋場土一幅邑紳何誠

瑞捐當張思義之業同治二年知縣任廷槐發善後公項買之以成義舉

膏火田土

牛車坪水田九坵土一幅係買何天曙業

萬家塘熟土一幅同治元年十一月買何煥紳業

黃茅坪晒穀園田二坵易家園田二坵同治三年四月買梁

永奎業

桐梓園水田三坵同治三年買李暢茂業

龍山縣駱馬山田十七坵係鳴鳳樓業同治二年併入膏火

勇敬里倒坨山土 係鳴鳳閣業同治二年併入膏火

周家堡田二坵 係鳴鳳閣業同治二年併入膏火

桅桿堡坎下土一幅 係咸豐元年鳴鳳樓得買劉宏順業同治二年併入膏火

桅桿堡基地熟土二幅 周圍園坎樹木在內係道光二十四年鳴鳳樓得買

劉安亨業同治二年併入膏火

桅桿堡熟土一幅 係道光二十四年覃謂中懷中捐作鳴鳳樓基地同治二年併

入膏火

貞肅里長嶺岡水田九坵 係朝陽書院業同治二年併入膏火

縣門口基地一幅 係文昌宮業同治二年併入膏火



易家園土一幅  
係文昌宮業同治二年併入膏火

育鳳山義學土田  
皆田耕心業捐入義學

附學茶山二幅

枹桐灣水田大小十坵

瓦場溝小田大小十坵

勇敵里倒地山土

...

梅桿堅坎下土

...

武財衛小田大小十並

蘇剛齋水田大小十並

洲學茶山二副

育鳳山養學土田

...

長寒園土一副

...

來鳳縣志卷九

建置志

壇廟 寺觀附

萬壽行宮在城東南隅武廟左道光四年知縣范炳監勸建

以爲朝賀之所同治元年燬

先農壇在東門外乾隆四年建壇後正屋三間中供神位左

藏祭品農具右存籍田米穀東配房一間辦祭品西配

房一間農民居之

社稷壇在北門外乾隆二十一年知縣林翼池捐建

神祇壇在南門外乾隆二十一年知縣林翼池捐建

按舊名山川壇嘉慶十六年奉部文更正

厲壇在北門外乾隆二十一年知縣林翼池捐建

按壇無定制京都曰泰厲府州曰郡厲縣曰邑厲

聖廟在縣城內東北乾隆四年知縣于執中倡建嘉慶元年

燬於賊七年知縣朱鳴鳳訓導蕭琴倡率重建同治元

年正月復燬於賊二年知縣任廷槐倡率重建

按會典稱為至聖先師廟復稱曰文廟咸豐中升文

昌宮為文廟乃專稱聖廟

宗聖祠在大成殿後

名宦祠在戟門左

鄉賢祠在戟門右

武廟在城東南隅城隍廟左乾隆四年建嘉慶元年燬於賊

後重建同治元年正月復燬於賊今重建未竣

按雍正八年特尊關帝廟為武廟

文廟在城內白鳥巷即岐陽書院舊址嘉慶三年改為孫文

靖公祠旋廢嘉慶六年改祀文昌同治元年正月燬於

賊

按文昌自元明以來惟民間禋祀故未入會典嘉慶六年五月始列入祀典咸豐中奉文尊孔廟爲聖廟文昌宮改稱文廟與武廟並列中祀

城隍廟在城東南隅武廟右乾隆四年建嘉慶丙辰匪變傾圮後經官紳修復道光六年知縣方策重修同治元年燬於賊僅存正殿同治四年重修  
火神祠在城內碧秋巷咸豐元年知縣林士端勸建同治元年燬於賊

龍神祠在縣署左咸豐元年知縣林士端勸建

朱文公祠在縣署左卽仰止書院舉人曾有光等建道光十七年重修道光三十年知縣林士端卽祠前建立考棚同治元年考棚燬於賊

昭忠祠嘉慶四年附建城隍廟西偏祀殉難知縣莊公級蘭訓導甘公杜典史張公甯旋圯道光十七年署知縣繆庭澐復建於關帝宮後左側並附祀殉難生員蕭大鍾何潭周南及陣亡兵勇捐錢四十千派首事掌管以爲祭祀之資同治元年燬於賊

張公祠一在西北城外牛車坪一在元阜里沙坨坪乾隆

年邑人公建祀前知縣太康張公冲爲民興水利者  
王公祠在城內碧秋巷祀殉難知縣王公頌三同治二  
年秋知縣任廷槐率閤邑紳庶奉文建

王公祠在城西麋子峽嘉慶時邑人公建祀前署知縣  
利川縣丞王公三錫久圯

孫文靖公祠在城內白鳥巷岐陽書院故址也祀四川  
總督孫文靖公士毅嘉慶六年廢爲文昌宮

元后宮在城隍廟右祀黃帝元妃西陵氏咸豐年間建  
同治元年燬於賊



東嶽宮在城隍廟東偏道光六年知縣方策建

武聖宮在千總署側閤營公建同治四年重建

三義宮在南門內祀張桓侯同治三年重建一在卯崗

司

軒轅廟在武廟左側同治二年建

孫真人祠在武廟左側俗名藥王殿同治二年邑人張

培桂捐建

南華宮在城內青桐巷

案南華宮以南華山得名六祖惠能愛曹溪水香從

地主求一袈裟地地主許之遂以袈裟覆地周南華  
山方圓八十里焉

禹王宮在南門內湖南會館也乾隆二十年建同治元  
年燬於賊大殿獨存同治四年重修卯崗大河壩舊司  
場皆有之

許真君廟一名萬壽宮江西會館也在南門外乾隆二  
十年建嘉慶二十一年重建同治元年半燬於賊卯崗  
大河壩舊司場上寨場皆有之  
天后宮在東門內福建會館也

浙江會館在城內白鳥巷道光年間建祀關聖文昌

魁星閣在東門外朝陽書院前嘉慶三年知縣康義民

建

鳴鳳樓在城東半邊城道光甲辰知縣陳炳常率紳士  
公建樓凡三層高八九丈聳入雲霄勢甚巍煥上層祀  
魁星中層祀關帝文昌樓後爲屋二棟前堂後室各三  
間以爲游晏之所咸豐辛酉冬爲髮逆所燬  
靈官廟在城西虎耳山同治元年燬於賊  
案靈官之神世所稱王元帥者天將二十六第一位

也倪岳青溪漫錄劉侗帝京景物畧孫國祚燕郡游  
覽志俱載之明成祖禱輒應乃命祀於宮城西又勅  
建天將廟張獻忠少時嘗夜盜武當山佛頂金冠遇  
靈官厲聲叱之其靈異如此宜其血食不絕也  
雷神祠在城東翔鳳山頂道光年建  
財神祠在南門外清泰街祀俗所謂黑虎元壇趙公明  
同治二年建

張王廟在仁育里明卯崗土司建相傳昭烈人蜀時命  
桓侯招撫諸崗蠻故歷來土司祀之甚謹

川主廟在元阜里舊屋基

案川主廟祀秦蜀郡太守李冰李公治水淘灘笮堰  
功德在民其子二郎復以神力佐公治孽龍永無水  
患元至順元年封李公冰爲聖德廣裕英惠王封二  
郎神爲英烈昭惠靈顯仁祐王見元史本紀國朝  
雍正五年從川撫憲德之請封冰敷澤興濟通祐王  
封二郎承績廣惠顯英王

天王廟一在舊司場一在縣南三十里瑪瑙河教匪髮  
匪作亂俱顯靈異

案白帝天王之祀始於湖南嘉慶間湖督某請入祀  
典部議從之廣虞初新志載白帝姓楊氏湖南乾州  
鴉溪人母感龍而孕一產三男各有勇力武藝絕倫  
遇苗人不靖集村人數十討平之時宋南渡後事也  
朝廷召至杭見其狀貌英異恐爲邊患願以鳩酒令  
歸共妻孥飲之未至家苦熱開瓶取飲三人皆中毒  
死而靈不昧屢著神異官民立廟祀之故稱白帝大  
王第三郎尤顯應云

飛山廟在客寨河祀唐誠州刺史楊再思

案唐誠州卽今之靖州也考方輿紀要飛山在湖南靖州西北十五里俗呼勝山蠻人保障於此號飛山蠻揚再思爲刺史時史稱其嘗駐兵於飛山寨蓋奪其險使蠻失所恃也宋紹興間封威遠侯立廟祀之魯班廟在城內關帝廟側工師匠人公建

三撫宮一在大河壩一在舊司場

案三撫神相傳爲三姓土司生有惠政民不能忘故沒而祭於鄉社頗著靈異水旱禱之輒應

文昌宮在縣南五十里育鳳山咸豐間里人田有糧捐

建並捐田產作里中子弟膏火之資

南離宮在舊司場

水府廟在上寨場

關帝廟一在土堡一在卯崗一在舊司場一在上寨場

一在觀音橋一在忠宗里小鷺嶺一在蒲西欄馬山一

在貞肅里明散毛土司建一在紅沙田

黑神廟在元阜里後坪祀唐睢陽殉難南將軍霽雲

寺觀

乾元寺在縣東五里



大觀寺在縣東南二里翔鳳山頂

仙佛寺在元阜里佛潭巖

興隆寺在亨康里

興隆菴在貞肅里前明散毛土司建

祖師殿在縣西南六十里

朝元寺在縣西南七十里

觀音閣在卯崗司下臨大河

廻龍觀一在縣西二十里一在縣南五十里

飛來閣在縣西三里茅坪知縣方策建築石臺咸豐間

里人建閣其上辛酉燬於賊同治四年復建

雲臺寺在縣南五十里迴龍橋之上

定雲菴在縣西貞肅里

玉皇閣在忠崇里小鷺嶺

觀音菴在忠崇里望月山

鳳凰菴在猴栗堡

龍鳳觀在縣東南水寨明時建

秦古寺在仁育里

來鳳縣志卷十

建置志

坊表

忠勇絕倫勤勞獨著坊二座在仁育里洪武六年明太祖詔卯崗司軍民宣撫使向貴什建今圯

宣撫坊在臘壁司萬曆三十年明神宗詔臘壁司土官田秉龍建今圯

忠勇勤勞坊在仁育里隆慶四年明穆宗詔卯崗土官向明輔建今圯

鳳凰縣志卷之二  
龍民貴之妻趙氏貞烈坊在東門外半里大道旁乾隆三十五年奉

旨旌表建立後圯道光年間里人卽故址立石柱表之

何顯模之妻吳氏節孝坊在城東五里嘉慶十七年奉

旨旌表建立

儒童張鴻謨之妻陳氏節孝坊在城內白鳥巷道光三年奏請

旌表七年奉

旨建立

津梁 義塚附

龍崗橋縣北五里雍正二年建

太平橋縣東五里乾隆十年覃善基捐建

東流橋縣西三十五里乾隆十九年建

高洞橋縣西南三十里乾隆二十年建

天人橋縣西南三十里在高洞渡下春夏渡船秋冬橋

行乾隆二十一年建

三元橋縣西南六十里在大旺洗脚溪乾隆十六年縣

丞蔣灝捐建未竣十八年縣丞蒲又洪捐廉重建

安遠橋縣西南七十里在大旺董達河朝元寺前乾隆二十一年縣丞蒲又洪捐建

石梁橋縣南一百一十五里在卯崗乾隆二十一年巡檢董天祥捐建

迎鳳橋縣南九十五里在卯崗乾隆二十一年巡檢董天祥捐建

雙鳳橋在縣東門外先建木橋嘉慶九年里人以石易之旋爲急漲衝塌

高橋在縣南一里卽四斗種橋也

霽虹橋在縣南一里俗名接龍橋向用渡船大雨時山谿泛漲水自滴水關來流經伏虎洞一落千丈勢如奔馬往往覆舟嘉慶十三年邑紳士庶始建青石橋二拱於上廣二丈五尺袤二十有三丈高十有五丈繚以石欄又砌石道廣三丈五尺袤三十丈名曰霽虹今五十餘年遂得免胥溺之患

雙楓橋縣西十五里旁有雙楓故名

五里橋縣南五里

利鳳橋縣西里許

觀瀾橋縣東五里乾元寺左道光二十九年張培桂捐  
建

峽口橋縣東十里小河坪道光十九年里人公建

越津橋縣南三十里紅巖堡衆水所趨波濤洶湧雖有  
官渡行人苦之道光元年邑人楊文龍費萬金建大石  
橋於上遂如康衢邑茂才田啟芳名之曰越津爲文記

之

明暗雙橋在卯崗比都湖乾隆間里人劉正國倡建一  
在下田溝水流處一在上溪澗飛流處茂才田啟芳有



記

迴龍橋縣南五十里上寨嘉慶二十四年建

文筆二橋在忠崇里古竹溪

興隆石橋在忠崇里芭蕉溪

雙江橋在忠崇里板斗科

紡車三亭橋在忠崇里紡車溪

觀音二橋在忠崇里一石一木名永鎮橋

客寨河渡船一夫一後建橋船裁

紅巖堡渡縣南三十里船一夫一後建橋船裁

上寨河渡縣南四十餘里大車浦船一夫一

容按乾隆壬寅管金聲捐簡家塘水田一坵後經首事  
縣何在田查國榮以其餘積添置體河水田十七坵土  
餘一幅房屋六間永作義渡之資

堰寨河渡船一夫一

官堰塘渡船一夫一

文按向係官渡道光癸巳里人鄧玉堂等募貲五百餘  
金買置田地以作渡夫工食及歲修之費公帑遂停  
花屋灘渡船一夫一

按係官渡嘉慶丙辰白匪作亂鄉人誅匪目於此因  
惡其地更其渡於官塘河

近鳳寨渡船一夫一

斗坎子渡船一夫一

簡家潭渡船一夫一

小壩渡船一夫一

按以上三渡來龍兩縣人公置

陳家灘義渡縣東十里

倒開門義渡縣東十二里

鯉魚潭義渡縣東十五里

老虎灘義渡在忠崇里

乾石洞義渡在忠崇里

義塚附天

麥地塢義塚一處在縣東五里長五十五弓寬五十三弓乾隆元年縣民公置知縣林公翼池記之曰出東門不數武爲河沿河行里許故置一隙地豎碑作義塚塚山從兌轉坎乾亥垂頭朝巽巳方廣約有七畝餘塋各厝半坡作腰落分前屏後幃水抱山環蓋不特地之寬

綽無礙稼穡而形勢團結是可爲阿斯塚者迨順治  
絲栗坪義塚一處在縣南五里長五十四弓乾隆元年  
置

慶賀

迎春附

茅坪義塚一處在縣西三里道光十年本城士民公置  
悌恭里義塚一處乾隆二十年置龍  
忠崇里義塚一處乾隆二十年置題准  
信茂里義塚一處乾隆二十年置

利止里義塚二處一在九龍盤縣南二十里潘廷翰鄧  
玉振等捐置一在縣南五十里木油灣查國榮捐置



來鳳縣志卷十一

典禮志

慶賀 迎春附

大清會典順治間定凡元旦冬至

萬壽節在外直省文武大小各官但設龍亭香案朝服望

闕行三跪九叩首禮康熙二十二年題准直省行慶賀禮

是後定制每歲恭遇

慶典及元旦冬至三大節文武官五鼓齊集

萬壽宮分班行禮恭遇

恩詔所至地方官員具龍亭彩輿儀仗鼓樂出郭迎接卽安

奉

萬壽宮內行禮宜讀朔日宣講

上諭亦卽於此各州縣未建

萬壽宮者皆於明倫堂行禮

迎春附

通禮先立春日府縣於東郊造芒神土牛立春在十二月望後芒神執策當牛肩在正月朔後當牛腹在正月望後當牛膝示民農事早晚



儀注屈立春日吏設案於芒神春牛前陳香燭菓酒之屬案前布拜席通贊執事者於席左右立府縣正官率在城文武官丞史以下朝服畢詣東郊立春時至通贊贊行禮正官一人在前餘以序列行就拜位贊跪叩興衆行一跪三叩禮執事者舉壺爵跪於正官之左正官受爵酌酒酌酒三授爵於執事者復行三叩禮衆隨行禮興廼舁芒神土牛鼓樂前導各官後從迎入城置於公所各官執采杖環立樂工擊鼓擊土牛三廼各退

按迎春禁例康熙十二年覆准嗣後直省府州縣各

官拜迎芒神土牛止用鼓吹綵亭其勒令鹽商當舖  
行戶粧扮故事臺閣排列金珠張鼓樂樹旗幟併科  
派里長捉取馬匹車輛伶人娼婦等項嚴行禁止如  
有前項糜費並各官借端派累該督撫科道題叅交  
與該部議處

鄉飲

通禮歲孟春望日孟冬朔日舉行鄉飲酒之禮於學宮  
府以守縣以令爲主人以鄉之年高六十以上有德行  
者一人爲賓其次一人爲介又其次爲衆賓以教官一

人爲司正學弟子習禮者二人司爵二人贊禮二人引

禮一人讀律令僚佐皆與前期戒賓賓禮辭許戒介亦

如之

右戒賓介

先一日司正率執事者詣講堂肆儀設監禮

席次於庭東北面布賓席於堂西北南向主人席於堂

東南西向介席於堂西南東向衆賓之長三人席於賓

西南向東上皆專席不屬衆賓席於西序東向僚佐席

於東序西向皆北上司正席於主人之東北向

如有鄉大夫來

觀禮者坐於東北三品以上席南向四五品席西向無則闕之

設律令案一於主介間

正中東西肆設尊案一於東序端南北肆設樂於西階

下如儀

右陳設  
布席

儀注屈日質明執事者入具饌設尊於案實酒於尊加  
冪勺觶爵在尊北讀律令者奉律令陳於中案監禮者  
朝服詣學宮主人率司正及僚屬咸朝服入乃使人速  
賓介屆時賓介盛服至序立於庠門外之右介居賓南  
衆賓居介南皆東面北上執事以賓至告於主人主人  
出迎賓西面揖賓介以下東面答揖主人入門左賓揖  
介介揖衆賓以次入門右當階主人揖及階揖賓皆答  
揖主人與賓讓升三讓賓三辭主人升賓迺升主人東

階上賓西階上贊者贊拜主人西面再拜賓東面答拜  
興卽席主人降延介一讓升介升拜如賓禮就位主人  
迺延衆賓衆賓以次皆升主人揖賓長皆答揖衆賓卽  
席主人率僚佐以下皆卽席右迎贊者贊揚觶執事者  
引司正由東階升詣堂中賓介皆起立贊揖司正揖賓  
介以下答揖司爵詣酒尊所舉冪酌酒於觶進授司正  
司正揚觶而語曰恭惟

**朝**廷率由舊章敦崇禮教舉行鄉飲非爲飲食凡我長幼  
各相勸勉爲臣盡忠爲子盡孝長幼有序兄友弟恭內

睦宗族外和鄉黨無或廢墜以忝厥生讀畢贊者贊司

正飲酒司正立飲畢以觶授執事者反於案贊揖司正

揖賓介以下皆揖司正復位賓介以下皆坐右揚贊讀

律令執事者舉律令案於中堂引禮引讀律令者就案

前北面立賓介主人以下聽贊咸起立旅揖如司正揚

觶禮廼讀律令曰律令凡鄉飲酒序長幼論賢良高年

有德者居上其次序齒列坐有過犯者不得干與違者

罪以違制失儀則揚觶者以禮責之讀畢復位賓介以

下皆坐右謹贊者贊供饌執事者舉饌案於賓前次介

律令

次主人衆賓以下徧舉訖贊賓主人起離席北面立司  
爵詣酒尊所酌酒實爵授主人主人受爵詣賓席奠於  
案稍退賓避席立於主人之左贊拜主人再拜賓答拜  
皆復位立贊賓酢主人賓離席司爵酌酒授賓賓受爵  
介從詣主人席前拜送爵主人答拜如前儀復位主人  
起獻介介酢主人如前儀皆坐執事者徧獻三賓衆賓  
爵訖右獻賓賓酒數行工升歌周詩鹿鳴三章卒歌笙  
奏

御製補南陔白華華黍詩間歌周詩魚麗南有嘉魚南山有

臺三章笙奏

御製補由庚崇邱由儀詩迺合樂歌周南關雎三章召南鵲

巢三章卒歌工告備出執事者行酒主賓以下飲無算

爵右樂贊者贊徹饌衆起離席主人率僚屬在東西上

賓介在西東上皆北面贊拜主人再拜賓介以下皆再

拜賓降西階出介及衆賓從立庠門外之右東面北上

主人降東階出僚屬從送賓於庠門外之左西面旅揖

賓介退禮卒無愆監禮者出主人率僚屬送於庠門外

皆退右徹饌

賓出



御製補南陔詩

我逝南陔言陟其岵昔我行役瞻望有父欲養無由風  
木何補

我逝南陔言陟其岵今我行役瞻望有母母也倚閭歸  
則寧止

南陔有筍籜實勺之孱孱孫提孰噢咻之慎爾溫清潔  
爾旨饍今爾不養日月其惱

御製補白華詩

有白者華不污纖塵咨爾士兮宜修其身不修其身乃

貽羞於二人

有白者華婉茲靜好咨爾女兮宜修婦道不修婦道乃

貽羞於二老

白華匪玉涅而不淄白華匪蘭芬乃勝之我擷白華載

詠載思

白華匪玉質玉之令白華匪蘭臭蘭之淨我擷白華載

思載詠

御製補華黍詩

瞻彼阪田厥黍始華胝足胼手嗟我農夫

瞻彼阪田黍華以秀胼手胝足惟勤斯茂  
華有不秀矣秀有不實矣其雨其雨矣杲杲日出矣愁  
予愁之恤矣

御製補由庚詩

王庚僂僂東西朔南六符調燮八風節宣  
王庚容容朔南西東維敬維勤百王道同  
王庚廓廓東西南朔先憂而憂後樂而樂  
王庚恢恢南朔東西皇極孰建惟德之依

御製補崇邱詩

澗松童童蛙黽鄰兮邱草萋萋蕩青雲兮凡百君子慎  
迺託身兮

澗松童童澗則卑兮邱草萋萋邱則崎兮凡百君子慎  
迺所依兮

有崇者邱物無不遂有卓者道愚無不智資生育德永  
植勿替

御製補由儀詩

在上曰天在下曰地君君臣臣父父子子  
在下曰地在上曰天父父子子君君臣臣

由其儀矣物則熙矣儀則由矣物則休矣

### 救護

通禮府縣遇日月食各按欽天監推定時刻分秒隨時  
救護各卦公署均以正官一人領班行禮正貳教職二  
人糾儀學弟子員二人通贊二人引班陰陽官一人報  
時至日設香案於露臺上爐檠具早晚隨日月爲向糾  
儀通贊引班分列於香案左右布各官拜席於香案陳  
金鼓於儀門外樂舞生二人奉小鼓於露臺下各官素  
服陰陽官報日月初虧通贊贊齊班引班引各官至拜

位前立重行異等少進贊跪叩興衆行三跪九叩禮與贊上香班首官進至香案前三上香畢復位贊跪皆跪贊伐鼓樂舞生奉鼓進跪於左正官伐鼓三聲儀門外金鼓振作乃按班更番上香祇跪糾儀二人更番祇立並如前儀陰陽官報日月復圓金鼓聲止通贊贊齊班衆官至拜位前立聽贊行禮如初畢各退